

Tribal Land Alienation

**North East India Tribalrang Maidake
A. ako Gimaataha**

U A Shimray

Pesikagipa Sylvester Marak


**Indigenous Women's Forum of North East India
Eastern Social Research Centre**

305.8095416
SHI/T P06-CL
P05651

Guwahati - 2006

Tribal Land Alienation

North East India Tribalrang Maidake A.ako Gimaataha.



U A Shimray

Pesikagipa Sylvester Marak.

North Eastern Social Research Centre

110 Kharghuli Road (1st floor)

Guwahati 781004, Assam

Tel (03610 2602819)

E mail : nesrc @ sanchanet .in

Indigenous Women's Forum of North East India

Guwahati 2006

Tribal Land Alienation in Northeast India: Laws and Land Relations



Published by:

Indigenous Women's Forum of North East India
&
North Eastern Social Research Centre
110 Kharghuli Road (1st floor)
Guwahati 781004, Assam
Tel. (03610 2602819)
Email: nesrc1@sancharnet.in
<http://www.creighton.edu/CollaborativeMinistry/NESRC/>

Cover Design : Panos South Asia

Printed by Artax Shimray at Genesis Printers & Publishers Pvt. Ltd., Bhangagarh,
Guwahati-781 005, Assam

May 2006

Call No. 305.8095416

Acc. No. 5851

Contents

Talatchengani

Chapter 1	1
Chapter 2 North Eastni Economy aro A.ako Ripingani Niam.	7
Chapter 3 A.ako Gimaatani Mongsonggipa Issuerang.	11
Chapter 4 A.ako Gimaatani Maidakgipa Ong.a.	15
Chapter 5 Bonatani Aro Kupatiani.	23

Mitelpilani

Ia ki.tapkoara International Working group for Indigenous affairs (IWGIA) ni Northeast tribal jatrang maikai a.ako gimaataha uko amsandiano pangchake seaha. Iako dakani miksonganiara maikai tribal leaderrang, skia man.gipa manderang aro gipinrangko uamangni gisepo a.gri chigri ong.enganiko champengna man.gen una miksongesa ong.ataha. Iako Northeast Social Research Centre (NESRC) aro Indigenous Women's Forum of Northeast India (IWFNEI) nangrime ong.ataha. Ia ki.tap tribal jatrang maikai a.gri chigri ong.aoniko an.tangtango naljoke rakina man.gen una ramako mesokgipa ong.a.

Ia ki.tapko jinmana pakwatengon chinga jemangan ia projectko chusokgipa ong.na dakchakahachim uamango gisik ka.tong gimikchi mitela. IWGIA ni Chris Erni, Artax Shimray aro Sanjay Barbora bang.bea dakchakaniko chingna on.naha. Anamika Deka, prof. A.C. bhagwati aro Prof. Monirul Hussain chingni kamo dakchakbeaha. Field worko bang.a scholarrang chingna dakchakbeaha aro uamangni dakchakanin chusokani maljuri gita ong.aha. uamang pilaknan chinga dalen gro nanggipa ong.a.

MS Anjali Diamari
Convenor IWFNEI

Dr walter Fernandes
Director. NESRC

Chapter 1 :

Re. anggipa bilsu sotbongana sikangan Salgro-Salaram jolo janggi tanganio, songsaro aro a.a chini kosako nokgipa ong. ani bidingo bang. a meligrigijani aro sosojengjeng ong. anirang dongaha. Indaken sorkarini kosako bobil dake chakatani aro jakgitelgipa a. songko dabanirangba dongaha. Ia pilak ong. enganiara a. ani kosako nokgipa ong. na gita tikelani bidingon mongsongbatgipa ong. a. Indakgipa a. selara pilak Northeast staterangon ong. aia. mesokna gita 1990 bilsirango Manipuro Naga-Kuki, Meiteis-pangal aro paite-Kukirangni gisepo nangtinggrikanian ong. a. 21 gipa Century ni abachengo Naga aro Meite jatrangni gisepo naga jatrangni songdonggipa bi. apko Nagalando chatatna krenganiko meiterangni bilake warachakaniko nikna man. na. Tripurao tribalrangni a. ako Non-tribalrangni rasekanin mongsonggipa issue ong. a. Tripurao a. song gipinoni niam gri napdrabagipa manderang songdongkame songpangni manderangko minority ong. ataha.

Una agreba gipin staterangoniko bang. a exemplarangko on. na man. gen. Tribal jatrangni gisepo sosojengjeng ong. enganiara a. ani bidingon ong. a ine chongmotgipa sakkiko man. naha. Ia ki. tapo chinga tribalrang maikai a. ako gimaataha uko mesokaha. Sikanggipa sandianikoara Northeastern Social research dakaha. (NESRC) Uni jamano uko chang chikingna kingking NESRC aro Indigenous Women's Forum of Northeast India bakrime sandirikitani dakaha. Bonkame March jani 9-11 tariko conferenceko ong. atgipao matchotataha. Ia sandirikitani dakna gita International Group for Indigenous Affair tangka paisako on. e dakchakaha. Ia ki. tapo chinga tribal jatrangna uamangni gisepo chanchirimchina gita aro namdapatani dakchina gita pakwata.

Northeastni Bidingo Talatani.

Northeastara damsni staterang jedake: Arunachal Pradesh, Assam, Manipur, Mizoram, Meghalaya, Nagaland aro Tripurako man. gopa. ia a. dokrango dingtang dingtang tribal jatrang donga. Ia staterangko Bangladesh, Mynmar, China aro Bhutanichi duulani gimin a. songko warachakanioba mongsonggipa bi. apko ra. a. Ia staterang ia a. songrang baksa 1450 KM simarang baksa nangchapa. Ia staterang Himalaya a. bidingni bakrang ong. a aro pilakan a. bri rara dakgipa bi. ap ong. a. A. sal gnanggipa a. kawerang jedake brahmaputra a. kawe aro gipin chibimarangni a. kawerangba donga. Ia jolo tubegipa singsingkolrang, chiring chidarerang aro nitobegipa buring bolgrimrangba donga. Ia jolo Mongoliod dolni tribal manderang bang. en donga. North Eastni apalaniara 2,55,037 Sq. KM ong. a jeni dalanin Indiani apalani 9 percent ong. a. Indiaio buring dikani 7 percentde North Easton ong. a. Indiaio bio-diversityni bak gittamni baksade ia jolon donga. Ia jolo bang. batan a. rongako game chagiparang ong. a. A. rongako game cha. a baksana a. pal game cha. anichi aro matburingrangko jileba manderang janggi tangani cholko man. na. Uamang

ong.telaigiparang baksa janggi tangrima aro uaragonikon uamang janggi tangani cholrangkoba man.na. (Ramahrishnan 1999 : 179)

Ia Jolni Manderang.

2001 censusni gita India o mande jelani 1,028,737,436 ong.a. Re. anggipa bilsi sotbongani gisepo North Easto namen mande jelaniko nikna man.na. (Table 1.1) 2001 Censusni gita ia jolo mande jelani 38,444,026 ong.a. Jean India gimikni mande jelani 3.6 percent ong.a. Bilsi chikingni gisepo mande jelani 1981-91-o 27.4 percentoni 1991-2001 bilso 22 percentona tangonaha. Indiba ian a.song gimikni mande jelani jean 21.3 ong.achim unade bata. State gesnini gisepo bilsi 1991-2001 o mande jelani bariani Tripurao 16.03 percent aro Nagalando 64.52 percent ong.a. Mande jelani Mizoram, Meghalaya, Assam aro Tripurao komiaha indiba Nagaland aro Manipuro 8.3 percent aro 0.7 percent ka.e bariaha.

Tribalrang Mizoram, Nagaland, Meghalaya, Arunachal Pradesh aro Manipur, Assam aro Tripurani a.bri districtrang bang.bate donga. Ia jolo tribal manderang chugimik sak 10,354,493 donga jean a.song gimikni mande jelani 27.68 percent ong.a. 1990 bilsirango tribal manderangni jelani Arunachal Pradeshona agre pilak staterangon bariaha. Tribalrang 1991 bilso Mizoramo 94.7 percent, Nagalando 87.7 percent, Meghalayao 85.5 percent, Manipuro 34.4 percent aro tripurao 30.4 percent ong.a. Arunachal Pradeshho 1981 bilso 69.8 percentoni 1991 bilso 63.6 percentona tangonaha.

Table 1.1:

Total population and Decadal Growth in the North Eastern Region.

Region/States	Total Population		% decadal growth 1991-2001	Tribal Population 2001	Tribal % to total Population 2001
	1991	2001			
India	846387888	1028737436	21.54	84326240	8.20
Arunachal Pradesh	864558	1097968	26.21	705158	64.22
Assam	22414322	26655528	18.92	3308570	12.41
Manipur	1837149	2293896	24.86	741141	32.31
Meghalaya	1774774	2318822	30.65	1992862	85.94
Mizoram	689756	888573	28.82	839310	94.46
Nagaland	1209546	1990036	64.52	1774026	89.15
Tripura	2757205	3199203	16.03	993426	31.05
North East region	30682752	38444026	25.29	10354493	26.93

• Including the estimate figure of mao-maram, Paomata and Purul Sub-divisions of Senapati district.

Excluding the population of mao maram, Paomata & Purul Sub-divisions of Senapati districts.

Source : (a) Office of the Registrar General and Census Commissioner. 1991 & 2001. India, Series 1, Final population Totals. New Delhi: Office of the Registrar General and Census Commissioner

(b) Office of the General and Census Commissioner. 1991 & 2001. Series 1- India, part 11-B

(ii) Primary Census Abstract, Scheduled Tribes. New Delhi: Office of the Registrar General and Census Commissioner.

North eastni dingtang dingtang Jatrang.

Indiani chugimik tribal sak 84,326,240 oni sak 10,354,493 ba 12.28 percent tribal manderang North Easto donga. Ia tribalrang a.brirangosa songdongbata (Table 1.2 ko nibo) Tribalrang Nagaland, Meghalaya aro Mizoram 80 percent na baten donga aro Arunachal Pradesh bakgittamni bak gni ong.a (Box 1 ko nibo) Assamni Manipur, North cachar Hills aro Karbi Anglongosan tribalrang majority ong.a. Manipuro a.brini districtrang jekai, Senapati, Ukhrul, Tamelong, Churachandpur aro Chandal tribalrang districtrangode namen jela. Tripuraode Dhalai districtosan tribalrang majority ong.a. 1951 bilsiode Tripurao tribalrang 58 percent ong.achim indiba 2001 bilsiode 31 percentsan ong.aiaha. Arunachal pradeshoba 90 percentoni 64.22 percentona tangonaha.

Table 1-2 :

District-wise Tribal proportion in the Northeast in 2001.

Sl. No.	State & Districts	Tribals as % of Total Population	Sl. No.	State & Districts	Tribals as % of Total Population
	Arunachal	64.22		Assam	12.41
1	Tawang	79.99	1	Kokrajhar	33.67
2	West Kameng	49.53	2	Dhubri	1.98
3	East Kameng	86.71	3	Goalpara	16.03
4	Papum Pare	56.56	4	Bongaigaon	12.23
5	Lower Subansari	90.09	5	Barpeta	7.48
6	Upper Subansari	89.53	6	Kamrup	9.92
7	West Siang	81.72	7	Nalbari	17.63
8	East Siang	69.13	8	Darrang	16.60
9	Upper Siang	78.21	9	Marigaon	15.55
10	Dibang Valley	46.48	10	Nagaon	3.86
11	Lohit	38.18	11	Sonitpur	11.60
12	Changlang	36.15	12	lakhimpur	23.49

13	Tirap	83.66	13	Dhwmaji	47.29
	Meghalaya	85.94	14	Tinsukia	5.84
1	West Garo Hills	76.61	15	Dibrugrah	7.45
2	East Garo Hills	96.54	16	Sibsagar	3.45
3	South Garo Hills	95.67	17	Jorhat	12.32
4	West Khasi Hills	98.01	18	Golaghat	9.92
5	Ri Bhoi	87.02	19	Karbi Anglong	55.69
6	East Khasi Hills	77.49	20	NC Hills	68.28
7	Jaintia Hills	95.96	21	Cachar	1.28
	Mizoram	94.45	22	Karimganj	00
1	Mamit	93.41	23	Hailakandi	00
2	Kolasib	89.78		Manipur	34.2
3	Aizawl	93.23	1	Senapati	78.45
4	Champal	96.8	2	Tamenglong	95.38
5	Serchip	98.08	3	Churachandpur	93.23
6	Lunglei	95.29	4	Ukhrul	95.53
7	Lawngtlai	95.4	5	Chandel	91.93
8	Saiha	96.21	6	Bishnupur	2.94
	Nagaland	89.14	7	Thoubal	1.17
1	Mon	93.92	8	Imphal West	4.75
2	Tuensang	96.03	9	Imphal East	6.25
3	Mokokchung	93.78		Tripura	31.05
4	Zunheboto	96.07	1	West Tripura	25.25
5	Wokha	95.50	2	South Tripura	37.72
6	Dimapur	60.69	3	Dhalai	54.02
7	Kohima	90.54	4	North Tripura	25.46
8	Phek	96.47			

Source: Register General and Census Commissioner. 2001.

1991 census gita 83.3 percent tribalang Primary sectoro kamko ka.a indiba Secondary aro Tertiary sectorode 2.3 aro 14.4 san kamko ka.aia. Gam.e cha.anio aro buringo uamangni agre pangchakaniara gipin cholrang dongjani a.sel ong.a. Dalgipa donggerangko kaanichiba bang.a nokdangrangko a.gri chigri ong.ataha. Ia jolni tribalangara Mongoliod doloni Sini-Tibetan ku.sikko agangipa manderang ong.a. Ia tribalangara mongsongbate Naga, Mizo, Lushai, Hmar, Kuki, Chins, Zonis, Hmar, Bodos, Dimasa, Karbi, kachari, Borok, Tripuri, Reang, Jamatia, Garo, jaintia, Adi, Aka, Apatani, Nissi, Monpa, Paites, Zos aro gipinrang ong.a. lamangko Indiani sorkari "Scheduled Tribes" ine chanaha. (Box 1) Jatantion an.tangtangna

ma.ate songnokrangkø daka. Songo dingtang dingtang maharirang dongrima. Songni manderang saksa sakgipino pangchakgrike janggi tanga. Bang.bata songni manderangan a.ronggako gam.e cha.giparang ong.a. Sikar ka.e, na.tok rime, a.ani medikrangko tarie, kokchengrangko wate, ate doke aro buringni gamrangko paleba uamang janggi tangani cholko daka. Tribalrangni janggi tangani bewal bio-diversity aro environmentko ripinganio dakchakbeani ong.a. Ong.telaigiparang baksa janggi tangrimaniko a.bri jolrango silataha jean dingtangmanchagipa ong.aniko mesoka. (Aier and Changkija 2003. 334)

Box 1 Ethnic Groups Recognized as Scheduled Tribes

Arunachal Pradesh.

Arunachal Pradesh 80 percentna baten dingtang dingtang jatrang donga uaragoniko jat 12 kosan Scheduled Tribes ine chana. Uamangara 1. Abor, 2. Akka, 3. Apatani, 4. Dalja, 5. Galong, 6. Khampti, 7. Howa, 8. Mishmi, 9. Mongba, 10. Any Naga tribe (Wancho, Tangsa and Nocte), 11. Sherdukpen, 12. Singpho.

Nagaland

Jat bongako Nagalando Scheduled Tribes ine chana, Uarangara: 1. Garo, 2. Kachari, 3. Kuki, 4. Mikir, 5. Nagarang ong.a.

Manipur

Manipurni tribalrangko Nagarang, Kuki-Chin-Zomi aro gipinrang dake donna man.na.uamangoni 29 jatrangko Scheduled Tribes ine channa. Uarangara, A. Nagarang: 1. Anal, 2. Angami, 3. Chiru, 4. Chothe, 5. kabui, 6. Kacha Naga, 7. Koireng, 8. Lamkang, 9. Mao, 10. Maram, 11. Maring, 12. Monsang, 13. Moyong, 14. Sema aro 15. gipa Tangkhul. B. Kuki-Chin-Zomi: 16. Aimol, 17. Gangte, 18. Hmar, 19. Vaiphei, 20. koirao, 21. Kom, 22. Je Mizoba (Lushai), 23. Paite, 24. Purum, 25. Ralte, 26. Suhte, 27. Simte, 28. Suhte, aro 29. Thadou (Kuki).

Meghalaya

Meghalayao jat 17 ko Scheduled Tribe ine channa. Uamangara: 1. Boro, 2. Kachari, 3. Chakma, 4. Dimasa, 5. Garo, 6. Hajong, 7. Hmar, 8. Khasi, 9. Jaintia, 10. Koch, 11. Je Kuki jatba, 12. lakher, 13. mai (Tai speaking) 14. Je Mizoba, 15. Mikir, 16. Je Nagaba, 17. Pawai, Rabha aro Sunteng.

Mizoram

Mizo kattani ortora manderang aro Ram ni ortoara a.song ong.a. Ia stateo jat 14 ko Scheduled Tribes ine channa. 1. Bhil, 2. Dimasa 3. Garo, 4. Hajong, 5. Hmar, 6. Khasi, 7. jaintia, 8. Je Kukiba, 9. Lakher, 10. man (Tai speaking), 11. je mizoba 12. Mikir, 13. Je Nagaba, 14. Pawi, 15 Synteng.

Tripura

Jat 19 ko Tripurao Scheduled Tribe ine channa. 1. Bhil, 2. Bhutia, 3. Chaimal, 4. Chakma, 5. Garo, 6. Halam, 7. Jamatia, 8. Khasi, 9. je Kusi jatba, 10. Lepcha, 11. Lushai, 12. nag, 13. Munda, 14. Naotia, 15. Orang, 16. Reang, 17. Santhal, 18. Tripuri, 19. Uchai.

Assam

Assamo 23 Scheduled triberang donga. 1. Chakma, 2. Dimasa, 3. Garo, 4. Hajong, 5. Hmar, 6. khasi, 7. Je Kuki jatba, 8. lakher, 9. Man (Tai speaking) 10. Je Mizo jatba (Lushai), 11. Mikir, 12. Je Naga jatba, 13. Pawi, 14. Sytheng, 15. Barmans, 16. Boro, 17. Deori, 18. Hojai, 19. Kachari, 20. lalung, 21. Mech, 22. Miri, 23. Rabha.

Table 1-3. Mongsongbatgipa tribalrangni jelaniko mesoka. Iamangni gisepo Nagarangan bang.bata. 1991 bilsini census gita Nagarang sak 14,58.097 donga. Uamang Nagaland, Manipur aro Arunachal Pradesh bang.bate donga. Gnigipara Bororang ong.a. Uamang Assamo sak 12,67.015 donga. Khasi aro Jaintia sak 8,82,301, Garorang sak 5,76,446, Mizorang sak 5,17,334, Tripuri sak 4,61,531, Mikir, sak 2,93,789, Kachari sak 2,10,430, Kuki sak 2,05,736 aro Chakmarang sak 1,55,200 donga.

The Nagas are Nocte, Wancho and Tangsa

Source: Registrar General and Census Commissioner, 1991.

Britishrangni sason ka.ani somoio aro uni jamanoba state reorganisationni somoio North Easto tribalrangko bilding bildang ong.ataha. Iani a.sel jatsani manderangkon dingtang dingtang staterangni ning.o ong.ataha. Mesokna gita Naga Hillsko aro Naga manderangko Nagaland, Manipur, Arunachal Pradesh aro Assamni sasonni ning.o napataha.

Bonatani.

An.ching ia chaptero North East aro uo donggipa jatrangni bidingo nikmanaha. Ia jalc dingtang dingtang a.ani bakrang aro jatrang donga. Iarangan ia jolko mikkim gnangata indibe nangtinggrikanikoba ra.banaba donga. Iani bidingo talbatna gita gipin chaptero an.ching North East tribal jatrangni a.ako man.na aro ripingani bidingo sandianiko dakgen.

Chapter 2 :

North Eastni Economy aro A.ako Ripingani Niam.

A.a aro buringrangan tribal economyna dakchakgipa ong.a. Uamang primitive aro ramram kolrangkosan jakkalaigenchimoba ecologyko nama cha cha ripingna man.naha. Uamang je kamkoba bakrime ka.a aro uan uamangna janggi tangna gitaba cholko on.na. A.bachengon Isol pilak jatrangnan a.songko on.naha ine uamang bebe ra.a. Tribalrang uamangni songdongram bi.apni dakbewal aro niamrangko kim kim ong.e mania aro uarangko ripingna jotton ka.a. Iani a.selan tribalrang pilakan songtang noktang aro gamtangko ripinganio gisik nangbea. Ian tribalrangni bewalko dingtangmanchagipa aro nitogipa ong.ata. Uamang git ring.na aro chrokna namnika aro jakchi dokgipa nitogipa gananirangko gana aro nitobee bolrangko kima sola.

North Eastni pilak tribalrangnan pako channa (Patriarchal). Meghalayani tribal jat gittam Garo, Khasi aro Jaintia mako channa. (Matrilineal) Me.chikrang me.asani ning.osan ong.oba songsaro aro economic statuso tribal ong.gijagipa me.chikrangna bate nambatgipa gadango ong.a. Tribalrangni gisepo rokkom gittam a.ako man.rikani niam donga. 1. Songni a.a 2. Sakprakprakni a.a aro 3. gipa maharini a.a. Songprakpraknan maate simarang baksa a.kangimin a.a donga aro ua songrango songantion tik ka.gimin niamrang donga. Songan sakantina game cha.na gita a.akoba suale on.na. A.ako pale cha.ani bostu gita jakkalani bariroroenga. Indake a.ako an.tangtangni gisepo aro tribal ong.gijagipa jatrangna palaniba bariroroenga. Tribalrangni gisepo a.ako gimaataniara mongsongbate sanna bananina aro bi.sarangko poraiatna chol dongjamiting somoirango pale cha.anichi ong.batenga. Developementko ra.bana projectko ragatanioba tribalrang a.ako gimaataha. Damrangko kaanichi bang.a songdonggipa manderangni a.ako gimaataha. A.palni napdrabaenggipa manderangba tribalrangni a.ako dokkol ka.enga. Iarangni a.sel jatsa jatgipin baksa meligrikgijani aro golmalrangko ong.ataha. Sorkarini niam aro legal system jean sakprakprakni a.ani nokgipa ong.anikosa ra.chaka tribalrangni a.ako gimaatna dakchakaha. Maina sorkari tribalrangni customary lawko aro a.ani kosako jinmani nokgipa onganiko ra.chakja. Iako chol ra.en a.palni manderangba altuen tribalrangni a.ao napdrae songdonga. Sorkarini niam aro policy tribalrangni janggi tangbewalni kosako re.aha. Indake indakgipa sorkarini kamni a.sel bang.a tribalrang a.tangko gimaatna nangaha. Namgipa policyrangko dakna uigijanichi aro bi.apni kri gitalgipa chasongo uamangna kragipa niamrangko ragatgijanichi tribalrangni janggi tangbewalko nosto ka.aha. Sorkarini tribalrangni niam aro janggi tangani cholrangko minggija niamrangko uamangni kosako gatdraaha. Iani a.selan uamangko an.tangtangna autonomyko dabina tekkelaniona sokataha. Jekai Tripurao aro Karbi Haflongoba tribalrang napsrukbaenggiparangni kosako dakgrikenga.

A.ako Ripingani Niam Aro Un baksa Nangchapgipa A.selrang.

Iako ma.sina gita sikanggipa Assam Land Revenue Regulation 1886 ko nichengna nanga jean a.ako gimaatani aro uni bidingo nangtinggrikani japang ong.a. (AL & RR)

Assamo A.ani Niam.

Ia Actko 1886 bilsio a.bachengaha aro 1887 bilsio gital niamrangko sikjotaiaha. Britishrangni sason ka.mitingo Waste land rules for “Special Cultivation” aro Settlement rules for “Ordinary cultivation” ingipa niamrangko ragataha. Uarangko pilni pil nipiltaiaha indiba da.alona king king inditana dingtangani dongja. (Das 1968-reprint 2005 : 13) AL & RR Act. 1886 ko Manipur aro Tripuraoba ra.gataha aro uko “Manipur Land Revenue and Land Reform Act. 1960” aro “Tripura Land Reform and Land Revenue Act. 1960”” ine segataha.

Manipuro A.ani Niam.

Britishrangni sasonni ning.o a.bri aro a.kawe jolko sason ka.tona gita bakgni dake sualachim. A.bri jolko British rajani sasonni ning.o aro a.kawe jolara Manipur state Durbar (PMSD) ni ning.o British ICS officerni ning.o ong.achim. Manipurko 1891 bilsio dokkol ka.ani jamano Britishrang a.bri jolni songnokrangko sason ka.ani o jakdangdikjaha indiba songni nokmarangana songko sason ka.ani kamko pakwatsikaaha. A.ani niamko ra.gatna sikangde Manipurni rajarang (Meitei) a.a chini kosako chugimik nokgipa ong.achim aro kajinakoba ra.achim. (Guite 2000)

Chin Hills Regulation actko Manipur a.bri jolгимikkon ra.gatachim indake nokdangprako bilsio Gong 3 ka.e nokni kajinako ra.achim. Uni ja.mano Assam Land and Revenue Regulation 1886 aro Manipur state Hills People’s Regulation Act 1947 ko ra.gataha. 1956 bilsio a.bri jolko sason ka.na gita Manipur Village Authorities Actko ra.gataha. (MVA) MVA ni gita je songrangan nokdang ge 20 donga uano songko dilna gita sason ka.gipa dolko song.aha. Ia Actko ra.gatanichi songni dilgiparangni bilko komiataha. Ia actko ra.gatna sikangde songni dilgiparangan village courto raikoba on.na man.nachim indiba ja.manode sorkarisa village courtni memberrangko seoksikaaha.

1967 bilsio Manipur Hills Areas Acquisition of Chief’s Right Act. Ko ra.gate songni nokmarangni bang.a bilrangkon ra.galna jotton ka.aha. 1971 bilsio Manipur Autonomous Districtko man.naha. Indiba District Councilara namen bilgribegipa ong.a aro uara biming mangmangnasan ong.aia. (Devi 2000 : 182)

Tripurao A.ani Niam.

Jakgitel ong.na sikangde Tripurani rajaana a.jatangni nokgipa ong.achim. Jakgitel ong.ani jamano raja ua bilrangko gimaataha aro a.dokni sorkarisa pilak bilrangkon ragoptokaha. Indake a.dok sorkari TLR & LR Act. Ko ra.gataha. Ia actni ning.o a.ani kosako darangba nokgipa ong.ani bilko man.jaha indiba sorkarisan a.ani nokgipa ong.sikaaha. Ia actko ra.gatani miksonganian gam.e cha.giparangko sorkari baksa mikkang chak chak bakrime kam ka.na aro uamangna pangkamgipa a.ani nokgipa ong.aniko on.na miksongani ong.a. Tribalangko a.gri chigri ong.aoniko naljoke rakina gita, Section 187 Actko ragataha je Acton pangchake tribalangni a.ako non-tribalangna District Councilni geetani gri.on.na ba palna man.jachim. Una agreba tribalangni a.a gimangenganiko chelchakna gita gital gital niamrangko ra.gataha.

Indiba indakgipa niamrangko ra.gatoba tribalangni a.a gimaataniko champengna man.jaha. March 2001 ona king king 28,999 gimaatgimin a.ako man.piltaina Revenue Departmento nails ka.ahaoba 8636 segataiha aro ong.gija dake tribalangni a.ako rasekgipako bang.gija acrerangkosan on.pilaiaha.

Mizoram A.ani Niam.

Mizoramni songrango jakgitelgipa songni dilgiparang donga jemangan songtangni pilak a.a chini kosako chugimik bil donga. Songni dilgipasa songni manderangna nokapna aro game cha.ana gita a.arangko suale on.na. Britishrangni Mizoramko dokkol ka.ani jamanoba ia nokmarangni bilko gimaatjaha. Nokni kajinako Chin Hill Regulationno pangchake songni dilgipani jakchin kajinako gila. Lushai Hillsara Assamni ning.o ong.achim. Jakgitel ong.ani jamano a.dok sorkari, The Assam Lushai Hills District (Acquisition of Chief's Right) Actko ra.gataha. Ia Acto pangchake songni dilgipana compensationko on.naha indiba a.ani nokgipa ong.ani bilde a.dok sorkarini jakosa ong.aha. A.dok sorkari gipin a.ani niamkode ragatjaha. Sixth Scheduledo pangchake, District aro Regional Council a.ani bidingo aditan niamrangko ragataha. (Das 1968 : 173)

- Jedake:-**
1. The Mizo District House-Sites) Act, 1953.
 2. The Mizo District (Land and Revenue) Act, 1956.
 3. The Mizo District (Transfer Of Law) Act, 1963.

Meghalayani Niam.

Garo, Khasi aro Jaintia Hillskoba British sason ka.giparang niam riti aro a.a chiko rakianio mamingba jakdangdikaniko dakjaha. Jakgitel ong.ani jamano Sixth Scheduledni gita Garo, Khasi aro Jaintia Hills Autonomous districtrang ong.aha. Councilsa a.ako rakianio palanio aro pilak nanga kamrangna a.ako on.na gita bilko man.naha. United Khasi aro Jaintia Hills Districtrango (i) United Khasi and Jaintia Hills District (Land Revenue) Act 1954 aro (b) United Khasi and Jaintia Hills District (Transfer of Land) Act, 1953 ko ragataha. Garo Hills District Council (a) The Garo Hills Autonomous District (Land and Revenue) Regulation Act, 1954 aro (b) The Garo Hills Autonomous District (Transfer of Land) Act, 1954 ko ragatsikaaha. Ia pilak niamrangani ning.on Deputy Commissionerni geetani gri tribalangni a.ako non-tribalangna on.na ba palna man.ja. 1972 bilsio Meghalaya stateko man.nani jamano District a.ako brea aro palani bidingo niamrangko dakna bil man.jaha. A.dok sorkarisa Meghalaya Transfer of Land (Regulation) Act, 1972-o pangchake bilko mansikaaha.

Arunachal Pradesh aro Nagalandni Niam.

Arunachal Pradeshho songo noko a.ako rippinganiara songni manderangni jakon ong.a. Sakantiba a.ako rakina man.na indiba uko sakgipinna ba songgipinni ba jat gipinni mandena palna niam dongja. Game cha.gipa a.ako tik ka.na gita Jhum Land Regulation ingipa niamko 1947 bilsio ragataha. Indakgipa a.ako Land Coservator ba Deputy Commissionerni geetani gri gipin jatna ba sakgipinna on.na ba palna man.ja.

Nagalandode a.ako rakianio inditana niamrangko ragatanide dongja. A.ako ripinganide uamangni customary lawosa pangchakaia. Indiba adita niamrangko jedake, Nagaland Jhum Land Act, 1970 aro Nagaland Village and Area Council Act 1978 ko bosaiaha. Nagalando Village Councilni namnikani gri maming dakeba jitna man.gijagipa gamrangko sakgipinna on.na man.ja. Songan aro songni dilgipaan a.a chini recordko aro a.ako ripingani daitoko ra.a. Naga songrango a.ako rakianiko rokombri dake sualna man.na. Uaragara: (a) Songni ba jinmani a.a (b) maharini aro (c) Sakprakprakni a.a aro (d) Morung Land.

Bonatani.

Ia chaptero an.ching a.ara tribalrangni janggi tanganio baditan gamchatgipa ong.a uko nikaha. Iano an.ching a.selrang jean tribalrangni a.ani gimaangani japang ong.a ukoba nikaha. Development projectrang aro a.paloni napretbaenggipa manderangan uarangoni mingsa ong.a. Gamnasan mikpakma niani a.selba tribal tribal sikani gisepo a.ako jujaatani mingsa a.sel ong.a. Britishrangni somoio a.ani bidingo niam ragataniba tribalrangni a.a gimaangani mingsa a.sel ong.a. Uni giminsa chinga bang.a staterangni a.ani niamrangko sandianiko dakaha.

Chapter 3:

A.ako Gimaatani Mongsonggipa Issuerang.

Legal systemni jamano a.ako gimaatani gipin a.selrangkoba nina nanga. Ia chaptero chinga a.ako gimaatani bidingo segipa lekkrango pangchake mesokna jotton ka.aha.

Songtangoi Galatanko Man.ne A.ako Gimaatani.

Professor A.C. Bhagwati saksa mingsinggipa anthropologist aro Arunachal Pradesh Universityni Vice-Chancellor giticham march- 9-11 2006 tariko conferenceo iani bidingo talataha. Uni aganania ua Labensraum notion-ni bidingo aganaha jechin tribalrang a.a china gisik nangani komiroroenga. Sorkariba bate bate tribalrangni a.ako raroroangenga. Indakani a.selan tribalrang an.tangtangni a.ako rippingna man.oroangjaenga. Indake a.palni manderangni re.baroroe tribalrangni a.ako ra.enganio tribalrangni economy, jatni niam riti aro silroroaniana kenchakaniko parakaha.

Giticham salrangode Mizo, Boro-Kachari aro Kuki-Chin manderangara songregipa jat ong.achim. Mesokna gita Mizo aro Kukirang Tripura, Assam, Manipur aro Mizoram songdonga indiba Meghalayaode dongja. Bodo-Kacharirangde Salgro Salaram pilak jolon songdonga. Indiba da.ororode indake ong.jaha uni a.selara tribalrangni a.a komiroroangani gimin ong.a. Prof. Bhagwatini paraka gita National Highway 37 ko development projectni bimingo tarianichi bilsil 35 ni gisepo tribalrangni janggi tanganio bang.bea dingtanganirangko ra.baaha. Je a.arangkon Guwahatini sambao donggipa bypass aro Games Villagenajakkalahachim uara sikangode tribalrangni a.asa ong.achim. Bang.bea tribalrang mongsongbate Karbi, Tiwa aro Garorang ua bi.aprango songdongachim.Governmane aro contractorangba chalaki dake tribalrangni a.ako ra.achim jeadke "Rum bollte sana a.a bighasa." Karbirang Ganeshpur aro Dispur jolrango bari bagan dakachim. Da.alo ia a.sal ginanggipa a.ako privatisation ka.aha aro Karbirang ia a.arangko gimaataha. Iano pangchake Guwahatiara chugimikan tribalrangko songtanganiko galata man.nani jamano rikgipasa ine Prof. Aganaha. Una agreba bang.bea a.arangko state forest aro Reserve forestna ra.aha je buringrangonikon tribalrang janggi tangani cholko man.paachim uaragara da.ode sorkarini gamsa ong.aha. Indake developmentni bidingo a.arangko ra.aniara bimingna mangmansan ong.aia indiba tribalrangnade maming namgnikoba on.jaha. Mesokna gita 20,000 MHz Sing Damko Arunachal Pradeshho rikanichi bang.bea tribalrangni songdonggipa bi.aprangko chi chi mripataha. Iarangchin chapter 2-o a.ako rakiani niamko dingtanganichi, development project ba gipinoni napdrabaenggipa manderangko tribalrangni a.ao songdongatna altugipa ong.a ine agananiko sakki on.naha. Mesokna gita Assam Land Reform and Land Regulation Act 1886 ko ragatanichi tribalrangna bang.en namgijanirangko rabaaha maina uano pangchake ong.gija dake a.ani recordko tarina altugipa ong.ataha. A.a rasekgiparang taraken kamko ka.aha aro da.ode 25 oni 35 blockrangni a.arangsan tribalrangni jako ong.aiaha.

Bonkamao indake aganna sika developmentni kamrangko dakanio tribalrangni bakrimpaaniko nangchongmota. Da alo chingni nikenga gita tribalrang baksa mamingba mikkangchak ong.e agangolpogikgijasan sorkariba ia kamrangko dakenga. Tribalrang an.tangtangni janggi tangani cholko gimaatahaoba mamingkoba aganna man.pajaha maina sorkarini niamkon manina ga.akaiaha. Indakgipa bewalko dingtangatna nanga aro tribalrangni bakrimpaanikoba ra.na nanga. Gnigipao maiba kamna a.ako ra.engon tribalrangni chuongnika gita compensationko gamna nanga. Manderangko bakrimpaode, uko ripingna manderang simsakja. A.ako gimaataniko chelatna nanga, niamrangchi ong.ja indiba tribalrangna ka.saao aro tribalrangni a.ako ripingna simsakanio ong.na nanga.

Mangope Aganani.

Tribalrangna ong.gijako dakani gimin aganengon Guwahati Universityni Prof. Manirul Hussain uamangni a.ako gimaatani giminsan aganaigija gipin jtarangni bidingoba janapaha.A.akoara tribalrangsan gimaatajaha gipin gipinrangba gimaataha. Bilsiantin Brahmputra chibimani bana ong.anichi re.anggipa bilsi chikingni gisepo 700 songrangko gimaataha. Indake uamang tribalrangni a.aosa naprete songdongaha. Indake chi bana re.e a.a bewakaniara tribalrangnasa namjabataha. Mordernisation aro globalisationni chasongo bang.a jatrangan songtang noktango wate jillarango songdongna nangaha. Indiba tribalrangde technically aro gipin kamrangko ka.na changpajani gimin aro songtang noktangoba janggi tangani cholrangko gimaatahani gimin bang.bata nengnikanirango man.naha. Una agre North Eastara Security zone ong.aha. National securityni bimingo airfield aro cantonmentrangko tarina gitaba bang.bea a.arango sorkari ra.aha. Indake militarisation aro a.a bewakani kangal manderangna bang.bata bojako on.naha. Development projectko ra.baani jedake; matburingrangko ripingani (Wild life sanctuaries) rama jallang tariani(transfort infractures) dongga kaani, karkanarangko kuliani aro gipinrangko dakaniba manderangko uamangni dongramoniko arikgalaha. Iarangko a.songni namgnina (National davelopmant) dakaha ine parakataha aro jemangan iani a.sel janggi tangani cholko gimaatahachim uamangko jatni bobil (anti national) ine agansikaaha. Indake dakaniara a.ako gimaatani chol ong.a. Maina a.akoara bostu gitasa channaha indiba manderangni janggi tangani chol inede ra.jaha. Development projectko ra.baani a.sel je manderangan song noktango gimaatahachim uamangna chuonga gita on.pilsikaniko dakjaha aro bang.bata salon maming dakchakaniko on.gijan galchipaiaha.

A.ako rakianio dingtangani aro gimaatani conferenceo a.ako rakiani niam aro jatsa jatgipinni gisepo nangtinggrikani bidingo (Ethnic conflics) chanchirimaniko dakaha. (Fernandes and Pereira 2005) Iani gimin chinga Assamni Dimasa, Boro aro Adibasi; Arunachal Pradeshni West Kameng districtni Aka, Nagalandni Kohima districtni Angami, Meghalayani West aro East Garo Hillsni Garo aro Manipurni Rongmei jatrangni a.ako ripingani gimin sandianiko dakaha. Iako sandina nangchongmota maina North East-o jatsa jatgipinni gisepo meligrikgijaniara a.ani bidingon ong.bata. Mesokanina Naga-Kuki, Bodo-Adibasi, Karbi-Pnar, Dimasa-Hmar aro gipinrangni gisepo nanggrikanirang a.ani bidingon ong.a. Iako namatnara a.akoara maika

gimaataha uko ma.sina nangchongmota.

Pilak tribalrangni a.an jinmani man.rikanide ong.ja. Mesokna gita Angamirangode songni a.a, maharini a.a aro sakprakprakni a.a donga. Adibasirangode sakprakprakni bimingosa a.a donga. Akarangni gisepode sakprakprakni (individual) bimingo a.a dongna nangnikanikode chanchianin dongja. Aka, Dimasa aro Garorangodee jinmani man.rikanio pangchaka ine an.tangtango chanchia. Sorkarini niam (formal law) jean sakprakprakni man.rikanikosa bebe ra.a jinmani man.gni jean tribalrangni dakbewal ong.a meliani dongja. Indiba uko Meghalayani Sixth Schedule areao aro Assamni district gegniode kraa gitan ra.chakani donga. North Easto sikanggipa a.ako gimaataniara 1947 bilsio ong.aha maina ua somoio lak 5 na bate refugeeerango ia jolo sokachakaha. Uni jamano Bangladesh, Bihar aro Nepaloniba manderang re.bae tribalrangni a.ako dokkol ka.aha. Iara partitionni somoio refugeeerangni katnapbaana bate chang chiking badisikaaha. Sorkarini niamrangba indake katnapbagiparangna nanggipa cholkosa on.naha. Maina niamba a.ani kosako tribalrangni nokgipa ong.aniko mingja uni a.selsa kenmangija a.song gipinni aro Indiani gipin bakrangoniba ia jolona re.bae altuen a.arangko ra.e songdongna man.naha.

Mitdik Mitdak Dakgipa A.songni Niam.

A.songko sason ka.ani niamosan ong.aigija, legal system aro tangka paisako chamanioba tik ong.gijanirang donga. Sixth Schedule ni ning.o ong.genchimoba Gao Burahkosa a.ani nokgipa ine channa, indiba chengode manderangsa a.ani nokgipa ong.achim. Iani a.sel development projectrangna aro gipin kamrangna altuen a.ako ra.na man.na. Karbi Anglong aro North Cachar Hillsode Village councilni bilko Autonomous district councilna kraagitan pakwataha jekon state administration altuen ning.o donna man.na. Domiasiat Khasi songni manderang ruuta bilsirangonin uamangni songoniko Uraniumko bikotna state governmentni amengani kosako dakgrikenga. Iani a.selan adok sorkari uamangna nangchongmotgipa skulrangko dake on.na jechaksikaaha. UCIL songni manderang uamangna a.ako on.node skul, rama, hospital aro pilak nangchongmotgipa subitarangko on.na kurachakaha. A.ako on.nani jamano ia subitarangko uamangna on.gen ine kadongnade man.ja. Sixth Scheduledo ga. akgijagipa songrangode ia kurachakanirangkoba on.nan nangja maina ua jolrango a.akoara sorkarini gamsa ine channa. Mesokna gita Assamo 14,01,184.8 acre a.arangoni lak 4 acre a.arangkode development projectrangna jakkalaha bangkirangde private partyrangni jakosa. 19,09,368 manderang jemangan a.atangtango gimaatna nangaha uamangoni 40% de tribal manderangan ong.a. Indiba sorkarini serikaniode indakgipa manderangni bimingan dongja. Uamangna compensation mangmangkoba on.jaha, rehabilite ka.ani kattade dongsrangja.

Gipin dake aganode legal systemara mordernisationni a.sel ia pilakan ong.enga. Mordernisationko chugimikan nangja inede aganna man.ja. Tribalrangba pilak manderang gita mordernise ong.nade nanga. Indiba mordernise ong.na gita uamango draaode uamangni janggi tangani bewal aro cultureko nosto ka.gen. Sorkari developmentni bimingo rokomsa mordernisationkosa tribalrangni kosako gataha. Iani a.sel tribalrang a.atangtango gimaatna nangaha aro mordernisationni lapkode man.pajaha. Individual base mordern law, customary

lawko gitcam aro choligijagipa ine agansikaaha. Tribalrangni gisepo mittam skia man.gipa aro nama gadango donggiparangba indake dakakon namnika aro sakprakprakni bimingo patta dakakosa.mordern ine channa aro jinmani a.kanganikode choligijagipa niam ine channa. Iani a.selān banggija manderangsan a.ako agitchapile man.naha. kaketko agangenchimode jatni dilgiparangan individual aro male ideologyko jatni bewalo ragatna namnika. Bang.a a.selrang indaka a.selona dilaha jedake sorkarini niamrang, Christian ba Hindu toromko ra,anirang maina ia minggni toromrangan male dominated torom ong.a. Iarangni a.sel man.ne cha.gipa aro kangalrangni gisepo class formationrangkoba ong.ataha. Uamangni traditionno pangchake gitalgipa ideology jean Isol pilak manderangkon rongtalao ong.ataha aro pilaknin apsan ong.aniko dalnikna aro mande ra.na nanga ingipa ideologyko ragatsikana nanga.

Pilak Baksan Janggi Tangbrinaniko Mande Ra.ani.

Panos South Asiani Mr. Sanjay Barborani conferenceo talata gita North East Indiao bang.bea ethnic grouparangni songdongram ong.a. Ia jolara chiskugipa ritcha bilsirangonin bil aro gamjinrangni gimin mingsingako man.naha. Britishrangni North Easto gadapchengna sikangan ia jolo dingtang dingtang tribal manderang aro nomadic manderang songdongsoaha. Britishrangsa a.palni manderangko ia jolo kam ka.atna gita rimbachengaha aro uamang da.alonaba a.palni manderang gitan ong.kuenga. Uamang tribalrangni a.ako rakame songdongaha indiba an.tantangko ia jolni manderang ine chanjaha. Mesokna gita Jharkhandni Adibasi aro sepang jolni manderang Britishrangni a.ani niamko dakani a.sel songtang noktanganiko a.rikgalakc man.ne Assamona re.bae nokkolrang gita cha baganrango kam k.na nangaha. Cha bagann manderangba uamangko on.chepe kam ka.ataha.

Bonatani.

Ia chaptero an.chingna North East tribalrang maikai a.ako gimaataha uko mesokaha. Mingsamangmang a.selchisan a.ako gimaatjaha ine iano mesoka. Uni gimin bang.a gipin a.selrangko nina nanga. Sorkarini niam, torom ra.ani aro educationba a.ako gimaatani a.selrang ong.a.

Chapter 4:

A.ako Gimaatani Maidakgipa Ong.a.

An.ching maini a.sel state gesnio a.ako gimaataha uko poraimanaha. Ia jatrangara Assamni Dimasa, Karbi aro Boro, Nagalandni Lotha Naga aro Angami Naga, Manipurni Tangkul Naga aro Meghalayani Garo aro Khasi, Mizoramni Mizo aro Arunachal Pradeshni jatrangni gimijn ong.a. Ge 12 sandianiko dakani gesakode Upper Assamo golmalrang ong.ani gimijn dakna man.jaha. Gipin gegittam sandiani jean Mizoram, Khasi Hills aro Garo Hillsoni ong.a chusoksranggipade ong.jaha indiba uarangko ja.mano man.soaha jekon chinga iano man.chapataha. Manipuroniko UA Shimray, Angamirangoni Vizalenu khatso, Merapanioniko Dolly Kikon, Dimasarangoniko Sarabjit Thaosen, Karbi Anglongoniko Uttam Bhatari, Bororangoni Bijoy Daimari, Tripuraoniko Uttam Bhatari, Arunachal Pradeshoniko Tongam Rina sandianiko dakaha. Garorangni bidingo Sylvester Marak sandianiko dakaha. Khasi aro Mizorangni bidingo gipinrang sandianiko dakanggen. Gita Bharali 1947-2000 bilsirango Assamo developmentni projectko ra.baani a.sel arikgalako man.giparangni bidingo sandianiko tarisikaaha.

1. Aa.ko Ripingani Aro Ainni Bidingo Dokbadalani.

Chinga a.ako jakkalanio stateni niam, politics aro dakbewalo maidakgipa nangtinggrikanirangko ra.baaha uko talataha. Iani bidingo sandiengon chinga tribalrangni a.ako jakkalanide uamangni customary law aro jatgimikni nangnikanio pangchakesa ong.a ine nikaha. A.ako uamang pilaknan apsan grik suala aro nangani kri gitasan jakkala. A.ako uamang magitcham pagitchamrangni donanggipa gamjin jekon nangani kri gitasan jakkala aro chasongni chasongna ripingna nanga ine chanchia.

Tribalrangni Bewalo A.ako Man.rikani Niam.

Manipurni Tangkhul Nagarangni gisepo songprakprakon sakprakprakni a.a, maharini a.a aro songni territory, buring aro uni kosakojakgitel ong.e nokgipa ong.ani niam donga. Songni niamko pilakan mania aro darangba peja. Songantini simarangkong atimbo, chiring aro ro.ongrangko songe maate dongimin donga. Ia songrangan uamangni janggi tanganina cholkoba on.nan baksa kenmangija tomtome dongtonikanikoba on.na. A.ara uamangna dongchakani ba political boundarykosan on.aija indiba ian uamangni janggi tangani chol aro cultureko ripinganiba ong.a. Songantion songsa songgipinni boundaryko mania aro songsa songgipinni ning.o sikar ka.a aro na.tok rimana agre gipin maming janggi tangani cholrangko dakja.

Angami Nagarangode sakprakprak aro jatgimikni a.arangba donga. Uamangni mittam a.ako jakkalani bewalde Tangkulrang gita apsanaia. Nagarang a.tangko simsakbee aro ka.sae jakkala. Me.asarang maharini a.ani kosako bilko man.na indiba me.chikrang

a.bao pilak kamko ka.an baksa agitchagipa bosturangko pala simanikoba daksikaa. Nagalandni Wokha districtni Lotha Naga aro Assamni Ahomrang melie nangrime donga. Uamangni gisepo bobil ong.grikani aro ripeng dakaniba donga. Tomtomaniko rakina gita uamang jatsa jatgipinko gachepja aro jatsa jatgipinni a.arangko dokkolba ka.ja. Karbirangni gisepode song maate simarang dongja maina uamang bi.apsaoni bi.ap gipinona aba cha.roroe jitroraia. Game cha.ani abarangko Village Councilan nokprakprakna nangani kri suale on.naia. Bang.bata songrangkon songni dilgipani bimingchin mingjolaia. (Sarthe) Songni dilgipako uamang namen mande ra.a aro una bama. Bororangde sakprakprakni bimingo a.ako ra.a ba Periodic Pattako jakkala. Songo cha.amram a.ba, kal.ram bi.ap, olakiram bi.ap aro-poraichakram bi.aprangna agre pilakan private ownershipni jako ong.a. 1950 bilsirangoni Bororangni bang.en a.arangko gimaatani dongaha. Dimasarangni gisepode a.ara jinmani bimingosan ong.a aro uko songni dilgiparangchi chalaia. Arunachalo a.ako jinmani man.rikani ine ra.a.

Meghalayao mongsongbate tribal jat gittam matrinal ong.a. Garorang a.ako game cha.gipa jatrang ong.a aro uamang Garo Hills aro Assamni mittam bakrango donga. Uamangni gisepo me.chiksa gamjinko man.rika indiba me.asarangsa a.ani bidingo pilak chanchie dakna nanggnirangko daka. Indiba me.asarangnade a.ako man.rikna on.ja. Me.asani gam man.gipakoba me.chikni inesa channa. Metrilinial Khasi songsaro chonbatgipa demechiksa ma.a pani gamrangko man.rika. Uan nokdangni rongdikra gita (treasurer) pilak nokdangni nanganirango jadake bia ka.o, toromni manianirango, sia bonao korosrangko ka.na nanga. Indake Garo aro Khasi me.chikrang nokdangni gamni nokgipa ong.a. Jaintia me.chikrang nokdangko niroka, bi.sarangko poraiata aro nokni pilak kamrangkon niroke daka. Me.asarangde breani, pala simani, ge.a gamani badinganirangkosan bakko ra.paia aro uamang me.chikrangni jedakakoba badi ka.ja.

Mizoram Mizoram tribalrang mande jelani 90% ong.a. Uamangni bewalo me.asarangsa chugimik a.ani nokgipa ong.a. Indiba uamangni gisepo a.ara songgimikni bimingosa ong.a.

Maia A.a Gimaaniko Ra.baa.

An.ching chapter 2-o nikbamanaha je sorkarini a.ako rakianio niamrangko ragatanion tribalrangni gisepo a.ako gimaatani mongsongbatgipa a.sel ong.a. bang.bata sandirikitgiparang iakon mongsongbatgipa ong.a ine ra.a. Tribal customary law gitade a.ara jinmani man.rikanisa ong.a indiba Meghalayao aro Assamni district gegni (NC Hills aro Karbi Anglong) mangmangosan sorkari iako ra.chaka. Manipuro, Manipur Land Revenue Actni ning.o pangchake tribalrangni a.ani kosako state sorkarisa bilko ragopna jotton ka.aha. Tripuraoba, Tripura Land Revenue Actni ning.o bimingnade tribalrangni a.ako ripingna miksongaha indiba indake ong.jaha batesa a.ara sorkaeni gamsa ong.sikaaha. Indake sorkarini ra.gatgipa niamara tribalrangni a.ako ripingani pal gimaatrooanikosa on.sikaaha.

THE MANIPUR LAND REVENUE REFORMS (AMENDMENT) BILL; 2005

Ge.sa Bill

Ko Republic of Indiani Sotbonga dokgipa bilsio indake ragatgen:

1. Kandikgipa Title aro abachengani.

(1) Ia billko Manipur land Revenue aro Land reforms (Amendment) Act 2005 ine minggen.

2. Iako state Government jen somoioba official Gazetteo see parakatani jamano a.ba Chengatgen ba niam ine ragatgen.

3. Amendment of Section (1) :- Section 1 (2) ni Principal Actko a.bri jolrangna agre ingipako dene galgen.

State governmentni officicial Gazetteo see parakatani ja.manode chugimikkon ba mittamm bakkoba Manipurni a.bri jolni je bi.aprangoba iako ragatgen.

Iako Ragatani Miksongani.

Manipur Land Revenue aro Land Reforms Act, 1960 (Act 33 of 1960) ko amend ka.ani gita ia niamo pangchake stateo revenue administrationko dakgen jeo dongenggipa niamrangko

Indian pa- rliamentni enact ka.ani bilsio 40 ni jamano jekon state legislature ragatahachim uko 1972 bilsio Manipurni chugimik stateko man.nani jamano adita dingtanganiko dakaha.

Ia actko state gimiko- De ragatja a.bri jolrangode uko watchanga. Section 1 (2) ni Principal Act-o a.bri jolrangode wat-

Changa.

Section 1 (2) -o provisionko on.a gita ia Actko a.bri jolrangode ragatna nangode dingtang notifica- Tionko on.na nanga. Statemento iako janapaha je: Akawe jolni dam 4 distrango

a.arang chuong- Gijanio namen man.dikbeaniko on.enga. Uniform Land Law donggijani songsaro tomtomgijani Aro ethnic grouprangni gisepo stateo nangtinggrikanirangko ong.ataha.

Manipurara 22,327 Sq. Km apala aro uno district ge 9 donga, uoni ge 5 de a.brini districtrang ong.a. Bang.bata manderangni sikaniba stateo pilaknan apsangipa niamkon ragataniko

nangnika. Darang Mandekon stateni je bi.apoba songdongna on.na nanga aro darang songdonggipakoba a.bri jolo songdongpaaniko champengani dongna nangja.

Uni gimini ia billko nanga.

Sd/-

Shri I. Hemochandra Singh and

Dr. Nimaichand Luwang,

MLA, Manipur Legislative Assembly.

Bororangni bidingode Assam land and Revenue Regulation 1886 ni chapter X ko amend ka.ani gita Assam akaweni Tribal belts aro Blockrankode rippingani donga. Ia provitiono gita 33 tribal belts aro blockrangko jeni apalan 5,704 Sq mile ong.a uko songaha. Uarangara Goalpara, kamrup, Darang, Lakhimpur aro nagaon distrango ong.a. Committeeni aganani gita jena

miksongen ia beltrangko songahachim uan chusokgipa ong.na man.jaha. Uni a.selan niam gri dake non-tribalrangni a.ako ra.ani aro palanirangkoba dakenga. 1950 aro 1970 bilsirango hajalni hajal Bengalirang Assamona katnapbaan baksa “gipinrang” jedake, Bihari, Punjabi aro Marwarirangba ia jolona re.baaha. Town jillarangode Bengalirangan bang.bata jeni percentagean 37.9 ong.a, Assameserang 33.4 percentagesan ong.aia aro Hindi ku.sikko agangiparang 13 percent ong.a.

Tribal jatranso jatni bimingo a.ako man.rikaniko mingjani gimin napdrae songdonganiko altubatataha. Napdrabaenggipa manderang altuen tribalni a.arango songdongna man.naiaha uni a.selara tribalrangni ia chasongni niam gita chugimik a.ani nokgipa ong.ani bil dongjaha. Indakgipa a.selrang Assamni Boro, Karbi aro Dimasa jolrangong.enga. Udalguri town jean Udalgurini skotong ong.a uano 2,500 nokdangrangoni 20 percentsan Bororang ong.a bangkirangde chugimikan niamgri songdonggipa non-tribalrangsa ong.toka. Iani a.selan 1980 aro 1990 bilsirango Assamo Boro aro gipinoni re.bagipa manderang baksa nangtinggrikanirang ong.aha. Lower Assam jolan Bororangni songdongkamgipa bi.ap ong.a indiba a.paloni re.bagipa manderangni a.sel a.ako man.nani chol gimaroroangenga. Manipuro Kuki aro Nagarangni gisepo bobil ong.grikaniba a.ani bidingon ong.a.

2. Tribalrangni A.a Aro Me.a-Me.chik.

A.ako gimaatanio a.a mangmangkosan ong.ja indiba uni kosako bil man.nanikoba ong.a. Iani mongsongbatgipa a.selara me.a aro me.chikni gamjinko man.rikanioba nangdikea. Pilak tribalrangni patriarchial (pachiko changipa) ong.a, indiba Meghalayaode me.chikrangsa gamko man.rika. Pilak pachiko changipa jatranso man.rikgipa depante dongjaode sepangbatgipa me.asa bakdil gamko man.rika. Indioba bang.bata tribalrangni man.rikrikbaenggipa gam aro an.tangni biltangchi man.gipa gamko bakgni dake suala. Man.rikrikbaenggipa gamkode me.asarang man.rika indiba an,tangni bilchi man.gipa gamkode depante aro demechiknaba suale on.na.

Man.rikani Aro Gamko Gipinna On.nani.

Angami aro Tangkhul Nagarang terrace cho.e game cha.giparang ong.a. Jat gnian a.ako sakprakprakni bimingo ra.a aro uko ma.a paaoniko man.rika. Mittam a.a aro burinrangko maharini bimingo ripinga aro uko saksangrik palna man.ja. Indakgipa a.ako me.asarangsa man.rika. Biltangchi man.gipa a.akode demechikrangnaba on.na man.na. Angami aro Tangkhul Naga jatgnion me.chikrangde a.ako man.kamna man.ja. Indiba Angami Naga me.chikrangna game cha.gipa a.akode man.rikna on.na aro Tangkhul me.chikrang biltangchi man.gipa a.akode man.rikna man.na. Angami aro Tangkhul jat gnini me.chikrang jitrurana man.gipa gamkodee man.rikna man.na. Uamang ma.a pani bregipa a.ako aro an.tangni bregipa a.akode man.rikna

Tangkhul Nagarangni gisepo a.ako gipin jatna palna man.ja. Je a.akoba songgipinni mandena bondok dona, palna ba boksisk dake on.na man.ja. Uamangni customary lawgita bondok donna, palna ba srenaba sepanggipa madrang ba maharini giseposa manaia.

Angamirangni gisepoba apsan daken ong.aia. Da.ororode a.ako gipinrangnaba palna man.naiaha indiba uko altubee dakja maina a.a chi aro buringrangara uamangna gamko aro songsalo bilko on.gipa ong.a. lotha me.chikrang nokdangni, maharini aro songni a.ako man.rikani maming bil dongja. Depanterangsa nokdangni a.ako man.rika. Nokdango depante dongjaode sepangbatgipa me.asani me.asa madrangsa uni a.ako man.rika. Sepangbatgipa me.asa mahari dongjaodee uko maharini a.a dake donatsikaa.

Karbi jatode jikgipa aro demechikrang an.tangtangni mal, ornamentrang aro bararangna agre nokdangni maming gamkoba man.rikja. man.rikgnigipa depante dongjaode segi me.chik segipani madrangoniko see kimtaie gamko man.rikna ama. Depanterangsa pagipani siani jamano a.a chi aro bari baganko man.rika. Dimasarangni gisepo nok rikchakani bari, game cha.gipa a.pal aro gipinrangko chasongsaoni chasong gipinona depanterangsa man.rika. Re.anggimin somoirango gital gital a.arangko mana gita uamang songsaoni songsaona re.roroachim indake an.tangtangni wate re.anggimin a.arangkoba uamang kangna man.piljahachim. gaonburahni orderko man.e manderang a.ako sakgipinna palna ba on.na man.na. Indiba a.ronggako game cha.gipa a.akode uamang kangjaha jekon gipinrang ra.sikna man.na.

Bororangni gisepode dingtangmancha man.rikani bidingo niamarang dongja. Pagipani siani jamanode dalbatgipa depantesa nokdangni gamko man.rika indiba segi ma.gipako aro jonggipa nogiparangko simsakanide uni jakon ong.aiaha. Indiba jongiparangni bia ka.ani jamanode gamko adasa madrangni gisepo sualtaia. Aka me.chikrangde jitna mangijagipa gamrangko man.rikani niam dongja indiba jitna man.gipa gamrangkode uamangba man.rikna man.na. Arunachal Pradeshni bang.bata tribalangni customary lawan me.chikrangnade nama ong.ja indiba uamangna ka.sae on.anirangde donga. Tripurani pilak tribalrangan me.asasa gamko man.rika. Me.chikrang segipani tangenga dipet segipani gamko jakkalpana man.na indiba uko palna ba sakgipinna on.na bil dongja. Nokdango me.a bi.sa dongjaode segipani sepangbatgipa me.asa maharisa uni gamko man.rika. Me.chik bi.sarang ma.a pani gamko man.rikani dongjaoba pagipa tangmitingo an.tangni mittam gamrangko demechikrangnaba suala. Khasirangni gisepode me.chikrangsa gamjinni nokgipa ong.a indiba me.asarangsa uko rakkigipa ong.a. Indake me.chikrang a.ani kosako patrilineal societyni me.chikrangna bate bang.bata bilko man.na indiba uamang me.asarangmingde apsan ong.ja. Uamang a.ako sika gita palna ba on.na man.ja. Iani bidingode me.asarangsa pilak dakna nangakon daka.

A.ako Jakkalanio Dingtang Ong.baani Aro Me.chikrangni Gimin.

Meghalayani tribal jat gittamna agre pilak tribalrangan patriarchal ong.a. Sakprakprakna pattako on.nani jamanon me.chikrangni bil komiangna abachengaha. Iarangna agreba gital niamrangko dakanichi aro economic policyrangko ragatanichi tribal jatrangni bewalrangko dingtangataha. Sikangode a.an songsaro mikkim rasong ma.nani symbol ong.achim. Indiba tangka paisako man.nani chol bariroroanichi uamangni gisepo man.e cha.gipa nokdangrang bariroroenga. Indaken a.akoara palani aro breani bostu gitasa jakkalaiaha. Ia salrango man.e cha.gipa nokdangrangsa nambatgipa a.arangko man.aiaha. Gnigipara jinmani man.rikaniko

sakprakprakni man.rikani dake rasikaani gimin ong.a. Ia salrango Karbirango a.ara bang.gija manderangni jakosa ong.goptokaiaha indake uamangni gisepo man.e cha.gipa aro kangalrangni gisepo bang.en dingtanggrikani dongaha. Angami aro Tangkhulrangni bidingo sandiano indake nikaha je bang.gija me.asaransan uamangni customary lawko an.tangtangni nangnika gita dakdilaiaha. Dimasa aro Garorangi gisepo dingtanggipa obosta ong.a. ia tribalrangoni bang.batan commercial crops jedake cha aro rubberko gesikaenga. Mittamrang komila aro komperamrangko ge.enga. Mittam Dimasa songrango komilarangko uamangni a.ako jakkalani bewalo maming dingtangtgijan bagan dakenga indiba coffe aro rubberko ge.anio de indake ong.ja. Coffe Board aro Rubber Board nokprakpraknasan loan aro subsidyrangko on.na. Iani a.selan West Garo Hillso bilko jakkalano dingtangna abachengenga. Iara class formationkoba ong.atengaha jeon bang.gija manderangsan rubber ge.na gita a.ako kanggopaiaha. Una agre manderangni bilkoba iara bilgribatataha. Indake dingtangataniko uamangni elite manderang namnika. Uamangni jatara matrilineal ong.genchimoba financial instituterangkode me.asarangchisa chalaia aro me.asarangkosa nokni skotong ine channa. Indake 30% nokdangrang ia districto a.gri chigri ong.aha. Ia salrango mittam me.asarang ia tribal jato me.asarangni gam man.rikaniko dabienga. Ia dabanikoara pilakan dakja indiba me.chikrangni bilkode komiatchongmotaha.

A.a Aro Mordernisation.

North Eastni pilak tribalrangan an.tangtangko mordernise ka.enga. Indioba indake mordernise ka.aniara uamangni customary lawni kosako re.enga mongsongbate me.chikrangni kosako. An.ching nikbamanaha je educationchi me.chikrang an.tangtangni bilko jakkalna uiaha aro indake dolrangko dake saksa sakgipinna me.asarang baksa apsan ong.atpaaniko uiatna dakchakaha. Mordernisationara uamangni kosako me.asarangni bil ginangbataniko aro saksanchi sason ka.aniko bariatna cholko on.naha. Minggipinara a.ani nokgipa ong.aniko dingtangatani, development project aro uamangni economyko mordernise ka.ani ong.a.

A.a Aro Development.

Mordernisationni mongsongbatgipa ong.aniara development projectrangko ra.baani ong.a. Officialy see rakiani gita Assamo 1947-2000 bilsirango development projectrangko ra.baanio 3,91,772.9 acre a.arangko jakkalaha aro sak 3,08,634 manderang bi.aptangoni arikgalako ma.naha. Indiba chongmotde 14,01,184.8 acre a.arangko ra.aha aro mande sak 19,09,368 bi.aptangoniko a.rikgalako man.naha. Bi.aptangko wate katna nanggiparangoni 40% tangani cholko on.gipasa ong.achim. Mikkangchi planko tariode iarangko gisiko donesa tarina nanggen. 256 damrangko North Eastni dam sni staterango tarina gita parakataha uarangoni dam 100 de Sikkimo ong.gen. ia jolrangara bio-diversityo man.e cha.gipa aro hydro power planrangko bosaina nambegipa bia.p ong.a. March 14, 2002 bilsio Rajya Sabhao Union Power Minister ia jolrango 58,971 KW ba a.songni hydro powerko man.nanio 38% ko bikotna bil donga ine parakaha. (The Assam Tribune, march 15, 2002) March 24th 2003 bilsio Prime Minister Mr. A.B. Vajpayee North Easto 50,000 MW hydro powerko abachengate on.naha

aro indake North Eastko Indiani aro South Eastni power house ong.atpilaha. (The Telegraph 25th May 2003) Arunachal Pradesh mangmangon 40,000 MW powerko bikotna bil donga. Chief Minister gitcham Mukut Mithi ge 48 damrangko Arunachal pradesh ka.na gita National Hydro Power Corporation baksa sohi kagrikaha. Uarangoni ge 5ko Siang Basino jean 6000MW Hydro Powerko mna.gen donaha.(Source: Department of Hydro Power, Government of Arunachal Pradesh) Gipinrangara Lower Siang Hydro Electricity Project 1600 MW, Hirong HEP 500 MW Reliance Tato HEP 700 MW aro Siyon HEP 1000 MW ong.a. DS Construction Kaying 1000 MW aro Lower Subansari Project 2000 MW ko mikkangchi ruutgijan rikgen. Staticsko niode namen nambee nika indiba ian baksa a.ako gimaatani aro bi.aptagoniko arikgala man.gipa manderangni giminde chanchibreja gita dake nika. Damrangko tarianiosan manderangna nengnikaniko on.aija indiba buringrangko Supreme Courtni geetani gita Wild Life Sanctuary dakahaon sog 14 songrangoni sak 5000 manderang a.a gri chi gri ong.na nangaha. Bang.bata game cha.gipa a.arangba chi chi mripatako man.naha.

Manipuro donggipa Tipaimukh Multi-Purpose Project 1500 MW Power Projectko bikotna miksongani donga. Ia projectara ge 16 tribal songrangko mripatgen, (Chi dubiatgen) aro gipin song 51 na namen man.dikbeaniko on.gen. Iani a.sel mongsongbate Zeliangrong Naga aro Hmar-rang bang.bate namjabata obostao ong.gen. (Economic and Political Weekly Vol 36. No. 13, March 31- April 6, 2001) Ahu (Barak) waterfallko mripatanichi Manipuro dalbatsranggipa aro nitobegipa Isolni pattigipa man.rikaniko jekon ritchani ritcha bilsirangoni manderang demitelenga aro rippingenga aro mamanti golporang donga gimaatsranganiko manaignok. Damko chue kaanichi Ahu waterfallni kosako dam bonga mingsinggipa chibolrang jean Nagarangni jatni matgrik Jadonangni milamko donue dona ine bebe ra.a uaba gimaatako manaignok. Indake gamchatgipa aro damgrigipa cultural heritageko maming chanchiani gri dam project authorityrangni nosto ka.aniko nie dongaina nangja.

Assamni Nalbari districtni Pagladia dam projectni report gita ia project song dam 26 ko aro a.a 18,549.7 acrerangko mripatgen. Brahmaputra Board ge 3,271 sak 18,473 manderangna Gong 47.89 Crore tangkarangko rehabilate ka.na gita chamsoaha. Local manderangni agana gita ia project song dam 38 ni acre 34,000 a.ako mripatgen. Indake 80,000 manderangko a.gri chigri ong.atgen aro uarangara bang.batan Boro, Rabha aro gipin tribalang ong.a. Project authorityrang private a.ani hisapkosan on.aia indiba jinma jakkalgipa a.ako ong.ja. Ia issueni bidingo State aro tribalangni goisepo meligrikgijanirang ong.kataha. Mesokna gita Meghalayao Uranium miningna sorkari surveyko dakaha indiba manderang a.ako on.na jechakaha. (The North East Reporter, December 3, 2003) Sixth Scheduledkoba donjaode manderang bang.bata a.ako gimaatgenchim. Indakgipa a.selni giminan 1947-2000 bilsirango Assamo namjabegipa obostarangko chagrongaha. Tripurao bilsil 30 na sikangan sosojengjeng ong.ani dongaha. 1960 bilsirangni bon.achibao Bangladeshni refugeerang 60 percent atchikapgipa tribal manderangni a.arangko rasekaha. 1970 bilsirango Gomti damko abachengataha manderang iako jegalachim indiba sorkari uamangni a.ako sekchrake ra.aha. Iako dakanichi 46.36% apalrangko mripataha jean stateni a.pal apalani 28% ong.achim. Official serikani gita iachi

2,558 nokdangni 13500 patta donggipa a.ako gimaataha. Indiba iano patta donggijagipa nokdang ge 5500 oni 6500 sak 30,000 oni sak 35,000 manderangkode chanchapjachim. Ia damara chologips ong.jaha. Uni gimin mittam manderang uko watgale manderangna a.ako on.pilchina gita kupatiachim indiba sorkari uko dakjaha. Tripuro tribrangni bobil dake chakatani a.selara indakgipa kamrangni a.selan ong.a. Mizoramni Kolasib districto Bairabi Hydro electriect damko bikotani jeon Gong 600 crore koros ong.aha7721 acre buringrang aro 3047 private a.arangko mripataha aro sak 6500 manderangni dongramko aro janggi tangani cholko gimaataha. Mripatako man.gipa songrangoni Hortoki jeon 400 nokdangrang donga uaba songsa ong.paa. Ia songo manderang atkora minggipa biteko bagan dake akawe jolo rongsakon Gong 2 oni Gong 3 dake pale cha.achim. Indake ia songni manderang sorkario maming pangchakgijan bilsio lakh 40 incomeko man.nachim. Ia songni manderang damko rikna a.ako on.na jechakachim indiba sorkari NGO rangni dakchakanichi damko rikahaode uamangna mai namgnirangko rabagenchim talate mikbokate manderangko ropaha. Hortokini manderang uamangna chuonga gita rehabilitationko on.ode aro atkora bagankoba dakna onanguode an.tangmaangni a.ako sikjaoba on.na kuchakaha. Damna jamano a.ako on.ahaora compensation on.nanikoba komiataha.

Bonatani.

Iano an.ching tribal customary law aro sorkarini kamni gisepo dingtanggrikaniko nikaha. Gnigipara tradition aro mordernisationni gisepo tribalang an.tangtangko mordernise ka.nade nanga. Indiba tribalangni rachakna tariani dongkujamitingo mordernise ka.on bang.a niamrangko uamangni kosako gataha. Iani a.selan meligrigijanirang ong.aha. A.ani bidingo gital niamrangko ragatanichi a.palni manderang altuen uamangni a.ao nape songdongaha. Gitalgipa sason ka.ani niamrangko ragatanichi uamangko batesa kangal ong.dapataha aro onia ka.aha. Iako namatani cholde pension aro rehabilitation ka.achi mangmangchide ia jolni manderangni a.a chi aro buringrangke abachengna sikang manderang baksa sontole agangrikchengomangmansan namatna man.aigen

Map of North-East India

